

明  
詩  
紀  
事

天有文而雲霞變色地有絡而川岳殊形五色同適於目而  
藻纘異施八音同傾於耳而絲竹別器文章派別極意營構  
模範無越性靈自淪故雅趣風情騷懷賦心體有不同并臻  
於妙若夫城中高髻里婦捧心下士趨風有識避走無他識  
曲者聽其真逐迹者難爲巧也有明詩流吳下擅於青邱越  
中倡於犁眉八閩工於膳部東粵盛於西庵西江妙於子高  
各有軌轍不相沿襲自茶陵崛起龍潭才俊然當時倡和襲  
其體者不過門生執友十數輩而已暨前後七子出趨塵躡  
景萬喙一聲其間獨照之匠若荆川遵巖震川變秦漢爲歐  
曾易詰屈贅牙爲字順文從允矣君子展也大成已至升菴  
子業諸公藻豔擷乎齊梁簡質得自魏晉沖淡趨於陶韋沈

雅參之杜韓滅竈再炊異軍特起余於戊集採輯十數名家  
直取胸情剗絕畦町翼與海內詞客共究斯旨也光緒戊申  
仲夏黔靈山樵陳田

光緒戊申貴陽  
陳氏聽詩齋刊

明詩紀事戊籤目

卷一

楊慎 五十九首

卷二

高叔嗣 三十四首

卷三

薛蕙 三十八首

王廷陳 三十三首

卷四

華察 二十二首

楊魏 三十二首

卷五

皇甫冲 八首

皇甫孝 四十九首

皇甫汈 三十五首

皇甫濂 九首

卷六

顧銳 二十四首

齊之鸞 十首

李濂 二十六首

卷七

許宗魯 三十二首

黃佐 三十一首

張時徹 二十六首

卷八

張含 十一首

張合 一首

金大車 四首

金大興 三首

馮惟健 一首

馮惟重 二首

馮惟敏 七首

馮惟訥 七首

栗應麟 三首

栗應宏 八首

侯一元 二首

侯一麐 一首

何良俊 二首

何良傅 一首

王昺 一首

王杲 一首

卷九

李開先 二首

嘉靖八才子

王慎中 十三首

唐順之 八首

陳東 七首

趙時春 一首

任瀚 四首

熊過 一首

呂高 一首

卷十

鄧黻 一首

汪本 一首

吳益夫 一首

周允中 一首

呂相 一首

景陽 一首

戴大賓 一首

方豪 三首

戴冠 五首

胡纘宗 二首

唐龍 五首

毛伯溫 二首

周金 二首

王應鵬 二首

歐陽鐸 一首

徐文華 一首

夏良勝 一首

陸震 一首

程啟充 一首

盧照 一首

王大用 一首

顧可適 一首

陸伸 一首

丁奉 五首

胡德 一首

顧彥夫 一首

卷十一

鄒守益 三首

夏尙樸 四首

林文俊 二首

常倫 四首

柴奇 三首

張璧 一首

王以旂 一首

許成名 二首

王道 一首

屠僑 三首

汪文盛 一首

王思 二首

游璉 一首

趙德剛 一首

汪必東 一首

周廷用 三首



孫繼芳 一首

范輅 一首

周敘 一首

朱鳴陽 一首

南大吉 一首

陸俸 一首

胡佩 一首

盧雍 一首

王濤 一首

袁達 十三首

鄒頤賢 二首

張縉 七首

卷十二

唐皋 一首

蔡昂 二首

劉天民 六首

蔣山卿 十二首

馬明衡 一首

林大輅 一首

劉儲秀 一首

顧璠 三首

簡霄 一首

吳鑑 一首

翟璣 一首

彭大治 一首

林炫 二首

桑溥 一首

顧可久 一首

錢憲 一首

陳能 一首

范永鑾 一首

雷應龍 一首

金賁亨 一首

陳器 一首

林春澤 一首

戴欽 二首

張治道 二首

霍輅 一首

左國璣 二首

田汝隸 一首

董穀 二首

吉梁 二首

陳文學 一首

卷十三

舒芬

一首

倫以訓

一首

崔桐

一首

張岳

一首

張經

三首

夏言

十八首

顏木

五首

馬汝驥

五首

王謳

十三首

汪應軫

二首

王鳳靈

二首

鄭洛書

一首

楊士雲

七首

許相卿

六首

朱豹

一首

郭波

一首

戴然

一首

胡侍

一首

陳文浦

一首

汪佃

一首

林希元 一首

李士允 一首

李鶴鳴 三首

王漸遠 一首

曹嘉 一首

江暉 一首

葉桂章 一首

彭簪 一首

徐哲 一首

方邦望 二首

張鉉 一首

卷十四

陸鉞 十首

張洽 十首

楊麒 一首

敖英 十二首

張袞 三首

張鳳翀 一首

王同祖 二首

吳廷翰 四首

何棟一首

李默一首

童承欽二首

倫以諒一首

廖道南一首

周祚三首

謝贊一首

楊言一首

任瀉一首

吳櫟一首

田頊一首

陳大漢一首

王洙一首

蔣泮一首

鄭一鵬一首

洪珠一首

吳文之二首

王瑱一首

陳講一首

朱子和一首

邵經邦一首

胡森一首

趙兌 一首

彭汝寔 一首

浦瑾 一首

林汝永 一首

王汝礪 一首

陳東 一首

李松 一首

錢文爵 一首

祝時泰 一首

卷十五

王教 一首

徐階 六首

潘恩 二首

鄭曉 三首

朱廷立 二首

屠大山 一首

李仁 十首

李舜臣 二首

陸銓 一首

顧夢圭 四首

柯維騏

四首

李新芳

一首

馮世雍

二首

劉隅

一首

馬坤

一首

朱澗

四首

盧襄

一首

王激

二首

黃直

一首

方一蘭

一首

鄭弼

一首

黃禎

一首

葉良佩

一首

金克厚

一首

王度

一首

陳表

一首

吳鵬

一首

毛衢

一首

徐獻忠

一首

錢楞

一首

孟思

五首

劉陽

一首

卷十六

龔用卿

一首

袁袞

十五首

蘇祐

八首

長鑒

一首

陸邦

一首

張子立

一首

屠應埈

四首

王格

二首

陸燦

四首

江以達

一首

林雲同

一首

翁萬達

三首

李元陽

三首

崔廷槐

七首

田汝成

四首

樊鵬

二首

聞人銓

一首

范言

一首

岑萬

一首

郭鳳儀

一首



王宣一首

祝文冕一首

陳仲錄一首

谷繼宗一首

李學詩一首

張鐸一首

高遠一首

于玘一首

孫宜五首

顧聞一首

鄧遷一首

卷十七

羅洪先十一首

程文德三首

胡松四首

蔡雲程一首

楊博一首

鄭大同一首

鄭綱一首

林恕四首

楊祐一首

吳子孝十首

楊本仁八首

沈愷四首

崔涯一首

陳子文一首

陳節之一首

胡經一首

馮彬一首

趙鯤一首

周顯宗一首

蔡駿一首

張選一首

王表一首

程烈一首

史元中一首

林垠一首

唐鉞一首

黃中一首

強仕三首

劉成穆三首

許炯八首

黃省曾 一首

卷十八

孔天胤 四首

尹耕 六首

許應元 十一首

蔡汝楠 十首

王梅 四首

程珦 三首

趙伊 五首

錢徽 三首

吳嶽 二首

朱衡 一首

范欽 二首

林應亮 一首

蘇志皋 四首

周復俊 一首

浦應麒 一首

顧存仁 一首

包節 一首

白悅 一首

謝少南 一首

廖希顏 六首

李徵 一首

王廷幹 一首

沈越 一首

秦鳴夏 一首

姚虞 一首

高應冕 五首

陳芹 一首

王鏞 二首

薛欽 三首

謝啟元 一首

卷十九

尹臺 十二首

郭朴 二首

趙貞吉 二首

王立道 十首

靳學顏 五首

王維楨 六首

劉繪 五首

趙天佑 一首

林廷機

三首

何維柏

一首

康大和

一首

馬森

一首

張舜臣

一首

孫植

一首

張瀚

二首

陳鳳

六首

林應麒

一首

牛恆

二首

施峻

一首

趙統

二首

陳暹

三首

許穀

四首

任萬里

二首

陳梨

一首

薛應旂

一首

陳堯

一首

盧宗哲

一首

劉佐

一首

郭萬程

一首

駱文盛

一首

陳策 一首

鄭富 一首

汪宗凱 一首

李樂 一首

胡汝霖 一首

饒相 一首

洗桂奇 一首

黃釗 一首

陳紹文 一首

蔡宗堯 二首

陶庚 一首

郭文涓 二首

卷二十

何御 二十一首

喬世甯 十七首

沈鍊 一首

周怡 一首

徐良傅 三首

袁煒 一首

萬虞燧 一首

蔣宗魯 一首

陳昌積 一首

黃注 一首

楊載鳴 一首

王炯 一首

茅坤 一首

莫如忠 二首

周鑑 一首

王崇義 一首

黃洪昆 一首

林萬潮 一首

陳應魁 一首

符驗 一首

溫新 一首

劉乾 一首

王健 一首

馬廷錫 一首

劉焜 一首

程應登 二首

方興邦 三首

卷二十一

邢一鳳一首

陸樹聲二首

方逢時十五首

王崇古一首

萬士和四首

林懋和三首

謝采山一首

萬衣一首

雷賀一首

洪朝選一首

范惟一一首

龔秉德十首

殷邁一首

鄭渭一首

陳時施一首

張鐸一首

王應鍾一首

何孟倫一首

何遷二首

董份五首

王材二首

許邦才十首



邵元善二首

沈九思一首

向贊一首

趙邦彥六首

卷二十二

金鑾十七首

湯珍四首

徐鱗六首

董難四首

賈惟孝二首

張本七首

傅起巖一首

晏睿一首

何炳一首

蕭引鳳一首

潘城一首

張軌一首

丁玘一首

明詩紀事

貴陽陳田輯

庚鑑

楊慎

五十九首

慎字用修新都人大學士廷和子正德辛未第一人  
及第授修撰以議禮杖謫永昌天啟初追諡文憲有  
升菴集八十一卷遺集二十六卷

四庫總目慎以博洽冠一時其詩含吐六朝於明代獨  
立門戶

薛蕙考功集升菴詩窮極詞章之綺靡可以見其卓  
絕之才牢籠載籍之菁華可以見其宏博之學唐四  
傑不能過也

升菴集陸賈南中行紀云南中百花惟素馨香特酷  
烈彼中女子以採絲穿花心繞髻為飾梁章隱詠素  
馨花詩云細花穿弱縷盤向絲雲鬟用陸賈語貫花

繞髻之飾至今猶然予嘗有詩云金碧佳人墮馬粧  
鷓鴣林裏採秋芳穿花貫縷盤香雪會把風流惱陸  
郎姜孟賓笑謂予日不謂陸賈風流之衆千年而始  
發耶

藝苑厄言楊用修詩如暴富兒郎銅山金埒不曉喫  
飯著衣用修謫滇中有東山之癖諸夷酋欲得其詩  
翰不可乃以精白綾作被遣諸伎服之使酒間乞書  
楊欣然命筆醉墨淋漓滴裙袖首重賞伎女購歸裝  
成卷楊後亦知之便以爲快用修在瀘州嘗醉胡粉  
傅面作雙丫髻插花門生昇之諸伎捧觴遊行城市  
了不爲作人謂此君故自污非也一指大裹赭衣亦  
何所可忌特是壯心不堪半落故耗磨之耳  
國雅楊修撰詩如錦城雪棧險怪高峻  
詩藪楊用修格不能高而清新綺縠獨授六朝之秀  
合作自斐然如題柳七言律云垂楊垂柳綰芳年飛  
絮飛花媚遠天金距闌雞寒食後玉蛾翻雪暖風前  
別離江上還河上拋擲橋邊與路邊遊子魂銷青塞  
月美人腸斷翠樓煙風流藉藉字字天成如初發芙  
蓉鮮華莫比滇中作春興八首語亦多工  
焦竑玉堂叢話正德丁丑歲武廟問文獻通考天文  
星名有注張問欽天監不知爲何星也內使下問翰  
林院同館相視愕然楊公慎曰注張柳星也周禮以

注鳴者註注味也史記律書南方諸鳥七宿柳爲鳥之味也史記律書西至於注張漢書天文志柳爲鳥喙內使以復同館戲曰子言誠辯且博矣不干私習天文之禁乎嘉靖初給事中張紳疏有裔宇與瑱四字上令問內閣不知也慎取荀子非十二子篇以復梁文康欽日用修之強記何必減蘇頌乎續玉篇詩談升菴題唐僖宗行宮杜礎云唐帝行宮有露臺礎蓮幾度換春苔軍容再向蠶叢狩王氣遙從駱谷來萬里山川神駿老五更風雨杜鵑哀始知蜀道蒙塵駕不及胡僧度海杯礎今故在游太初爲子言寺僧令匠鑿而丹之乃知李文饒方竹未嘗無對

明詩選宋轅文曰用修病在貪博故使事處往往求巧得拙要其天才本是奇麗如百寶流蘇陳臥子曰用修繁蔚之中時見新警李舒章曰用修山光嵐翠金碧之中時見雲霞之潤

王士禎皇華記問楊用修在滇製小肩輿如升之形僅可容膝張愈光含題一聯其上云人到東京須氣節地當西晉且風流所謂升菴者以此香祖筆記明詩至楊升菴真以六朝之才而兼六朝之學者其詩如詠柳垂楊垂柳綰芳年一篇世共知之又古意凌波洛浦遇陳王鷓鴣詞秦時明月玉弓

懸關山月迢迢賤妾隔湘川出關擬唐人狼弧芒角  
正鸞環塞下曲長榆塞上接龜沙諸篇工妙天成不  
減前作又青蛉行寄內絕句亦絕妙大抵皆自古樂  
府出益都王遵坦太平論明詩獨推新都為性之者  
亦自有見  
明詩別裁升菴以高明仇爽之才宏博絕麗之學隨  
題賦形一空依傍于李何諸子外拔戟自成一隊五  
言非其所長以過於穠麗失穆如清風之旨也  
田按升菴詩早歲醉心六朝豔情麗曲可謂絕世才  
華晚乃漸入老蒼有少陵謫仙格調亦間入東波涪  
翁一派前後七子執盟驢壇海內附和翁翁成風余  
採升菴蘇門君采雅欽鴻山夢山子安少玄數君子  
詩次於李何之後王李之前別為一集以見豪傑能  
自樹立者類不隨風會為轉移也

### 關嶺曲

關索嶺四十三盤高前有安龍箐行人莫辭勞

### 禽言

勸君早歸君歸恨不早鐵橋銅柱露山道夾雲霧連晴昊

客頭未白心先老歸恨不早

游女行

東風春正韶南浦美人嬌下蔡君休問上官誰敢邀折花斜  
寶珥映水正金翹娉婷惜未嫁應待逐文簫

梅花落

古梅飄古香新梅綴新粧那枝傳妾恨何樹近君鄉

峽東曲

白帝到江陵一千二百里欲試一日程須待春水起布帆  
百尺出自三梭織風順早歸來天際遙相識

江陵別內

同上洞庭波獨上西陵渡孤棹泝寒流天涯歲將暮此際話

離情羈心忽自驚佳期在何許別恨轉難平蕭條滇海曲相思隔寒燠蕙風悲搖心萼露愁沾足山高瘴癘多鴻雁少經過故園千萬里夜夜夢煙蘿

和余懋忠青衣別後追寄之作

抽簪畫江沙寫出腸斷詞遙寄百里人見君昨夜思昨夜復今朝百里又千里歡遊坐成隔乖離從此始乖離渺何許異國猶鄉土雲從青衣來月自峨眉吐雲月兩悠悠光景爲君留因之託青夢遠到海西頭

送徐用先歸嘉州

客有歸歎嘆言從隱者流高議在青瑣吾道付滄洲滄洲多故人夙昔諧幽賞嘯歌丹崖邊攜手紫霞上壁津春水生波

浪動江城岷嶺秋芳落清音漢蘭若亦知江湖憂不廢登臨  
樂迢迢結桂枝望望阻相思殷勤三歲字惆悵四愁詩伊子  
慕倜侶睽離分晤語何時峨眉雲來作人問雨

玉蟾寺

我問金鰲僧誰名玉蟾寺題自黃涪翁苔蝕銀鉤字佛住兜  
羅界僧居琉璃地絕頂似高秋清涼失炎季解鞍契夙心橫  
枕諸幽思岫幌雲勿局結夏期重至

賦得烏龍山送安公石

亭亭烏龍峰屹立九頂左翠微壓洪濤清音叩危垓沈犀星  
潛幽浮健雪滂爰風雲徑路通烟霞巖洞鎖若人富奇遊茲  
山近燕坐弭節入仙源心賞忘旅疴迢遙海月期蘿薜江花



采日下遲來音天際候歸舸

題唐人閨秀慰帛圖

碧梧葉落紅閨晚  
玫砧敲月催金翦  
重重海簾銀蒜垂  
曲曲山屏阜羅展  
廣儲懸月月初臨  
綈幕染霜霜已深  
禁痒銖衣圍夜玉  
嵯峨寶髻辟寒金  
雲母箱悶同心鎖  
鈿鉗香浮九微火  
秦篝齊縷門紛華  
蜀錦尖綾分婀娜  
慰帛申繪憶遠行  
遙遙夜夜不勝情  
百層妾住垂花隔  
萬里君居碎葉城  
垂花碎葉音塵隔  
春去秋來感行迹  
深閨心斷結蠶書  
絕塞眼穿無雁帛  
明燭蘭膏照獨眠  
蛾眉曼淥爲誰妍  
試看裴羽相思夕  
何似徐吾共績年

題夏仲昭竹寄陶良伯驥

太常胸次瀟湘寬少年愛寫生琅玕白頭藝苑更入妙筆法  
遠追王孟端兩家名藻雄吳下品題未覺風流亞一紙能令  
百世傳兩竿不啻雙金價人言畫竹非畫工草書結構將無  
同誰家高堂名寶繪徐熙花鳥迷青紅主人佳興松江東寄  
圖索賦隨長風遙知把玩清香裏正是相思月明中

射虎圖爲箬溪都憲題

錢選好手工白描粉墨丹青色阻喪細觀逸迹迴不俗氣骨  
深穩形蕭放中丞此圖開似我行行遊獵極殊狀漢家昔日  
李將軍生射猛獸天下聞彎弓半夜沒白羽飛鞍晴晝生黃  
雲今之圖畫無乃是披卷似覺陰風起積雪慘淡長白山草  
木蒼乾松漠間將軍身乘大宛馬從騎亦是驍雄者合圍射

虎虎帶箭相持不肯遽相下虎鬪馬驟兩若飛咆吼欲震長  
平瓦東海黃公魯下莊裴旻舞劍相韻顏古來英英者數子  
繪事簡冊傳芬芳何物少陵愁杜甫短衣南山思射虎老驥  
伏櫪悲鳴苦壯士哀歌淚如雨天狼煌芒直威弧安得此輩  
西滅胡卻走馬蹄報神都爲獻單于款塞圖

高曉曉發過滇

碧雞關頭月上霞高曉海色分人家菱塘眠柳猶藏鴉雙雙  
柔櫓聲啞啞船尾風輕浪不花轉盼已屆滇之涯

交河令行贈袁子變

袁侯出宰古交河銅章墨綬雜雕戈黃雲高闕芳菲少紫塞  
長城氛祲多桑榆蔭入嫖姚幕絃誦音諧敕勒歌公主琵琶

玉連瑣將軍驤裂金盤陀袁侯雕龍且韜豹白羽指揮坐中  
翻阮瑀軍書王粲詩魯連飛箭劉琨嘯始信扶顛籌策長赫  
赫威棱動北荒虎鈐帳外關山月燕寢香中鼓角霜君不見  
隆州虞允文海鱗船破百萬軍又不見巴渝甘興霸江表虎  
臣雄吳下古來文武道本同樽俎笑談能折衝六鈞弓與一  
丁字調言悠悠非至公

觀打魚

石梁水落天波澄漁人放獺如放鷹編筠作航來往便往似  
飛梭來似箭蛟潭無極龍堂幽江空獺飢漁人愁漁人愁河  
魴喜清江一曲孤煙起

河橋篇寄用貞懋昭

渾河流水桑乾潮何年伐石架長橋玄醴窟近填烏鵲滄海  
波平上赤霄尋源知近遠浩浩鴻流滿平連太液池迴接昆  
明苑帝里神皋紫氣中天江析木銀潢通澗瀝卜落應相並  
灞漣朝宗詎可同星傳雲槎下城闕電逝飈馳交翼越橋外  
車音響若雷橋畔闌干明似月可憐楊柳裊晴煙才見藏鴉  
又噪蟬東西溝水分歧路南北煙霜感歲年沈璿使者辭芳  
甸聯璧才人遙出餞別浦晴沙漾縠紋回潏秋溝收組練飛  
蓋臨風緩去旌青門落日彩霞生懸知濯錦江邊夢轉見蘆  
溝河上情

送客還西江

武昌楊柳荊州麥楚江春色催行色萬里遙憐左蠡人十年

同作南溟客烏相門前紫荇莊歸來養拙更何鄉鬱金美酒  
盈千斛藥玉新筇醉幾場

江樓曲送祝鳴和

江上樓高枕錦江流雲霞連劍閣輝樹出刀州登樓送君秋  
色裏旌旗影落清波水眺望應隨斗牛遙嘯歌直感魚龍起  
江樓高江思遠闌干曲曲山宛宛雁湖寒牛渚晚石頭城如  
在眼王人過家朝玉京離筵一餉惜離情別來定有相思賦  
好奇同聲慰友生

月溪曲爲晉甯張太守賦

青天行月溪行水水月相去八萬里龍宮罔象巧能移月行  
翻向清溪底月溪主人家在涪江濱襟懷洒落意清真金波

影裏流金篆玉練光中臥玉輪月溪子君不聞一月普現一  
切水一切水月一月攝洞鑒虛明有如此又不見東坡赤壁  
水月賦太白青天問月歌二仙去去不返廣寒宮闕高嵯  
峨今夕復何夕逢君螳蜋河舉頭見明月正照金叵羅持斧  
邀吳剛開鑿納嫦娥殺卻蝦蟆綠烟滅斫卻桂樹清光多共  
言銀燭未須秉不飲如此良夜何仙舟歸來仍我過解紅輦  
舞柘枝傥主人踉蹌客逃席起看江月墜江波君家侍立小  
童清似玉劈牋泥我醉寫月溪曲

東坡先生守湖州遊道場山命官奴秉燭寫風雨竹一  
枝於壁題詩其上至正間吳仲珪有臨本少岷丈藏  
之慎作長歌

東坡老守湖山暇南國清遊繼顏謝舟楫行供茗嘗吟烟雲  
坐入瀟湘盡越人翠被雨波寒官奴錦麗歌聲殘揮毫寫出  
風中態掀筆猶疑掌上看琅玕落紙珠生唾畫絕名緜詩寡  
和未論品價重三都先有風流傾四座仙翁一去幾春秋江  
光清徹魚龍收珮環夜冷黃州夢簫韶天遠蒼梧愁梅逕何  
人深慕蘭欲從手軸傳心印文藻歲華賡匱逼眞筆端飛動唐  
臨晉玉雪曾郎瘦竹姿青門別我滄州期滄州吏隱丹霞想  
想見珊瑚拂水枝

送譚汝賢之常德

子昔逍遙龍門之橋子乘五馬蜻蛉之野龍橋爲別蛉野見  
夢境分明速流電忽漫相逢復語離豐蘭沅芷楚芳時後期



相期未有期長風長寄長相思

題趙東臺藩伯畫汪方伯周潭圖

青嶂插雕梁白波吹粉壁周潭之景在咫尺斷崖韋偃樹橫  
甯郭熙山東臺之筆縹緲間我雖不善畫鑒畫莫如我籠煙  
渲水墨如金苦心獨識良工頗詩興長凝燕寢香眞遊遙寄  
洪濤舵船虹貫月棟飛雲犀臙龍綾如緘鎖

春江曲

時女玩春翹新梅發遠條風香隨步步雲彩豔朝朝悵望迷  
晴浦音書候晚潮玉輪江上水心斷木蘭櫓

趙龍巖少參載酒過普賢寺還舟同醉賦此

鷺寺敞初筵鷗波送酒泉沈陰迷卜畫爛醉忘回船別夢昆

明水離心蜀國弦側身東望處高誼屬雲天

李文瑞自金沙窮源至

使者尋源至將軍上隴回江流通沫若雲氣自昂嶺古樹枕  
榔出殘花肯藉開關山有明月今夜近香臺

晉別三池

垂老復生離相思天一涯四愁憐遠道五噫感明時樹繞青  
衣國花深黑水祠從茲萬里去莫遣雁書遲

贈玉蟾僧

山是岷峨派峰如峒嶺尖仙遊還駐鶴僧號亦栖蟾蘿月懸  
天鏡松風襲暮禱有詩休疥壁徒爲葛藤添

辰州留別王文濟

五峰蟠五溪愁望跼爲低三巴接三峽客淚聽猿啼夢繞浮  
雲北身遙落日西歸期無歲月春草又萋萋

琴姬

離筵良夜如何張女清琴當歌商聲若出金石楚奏渾非綺  
羅浮雲柳絮無蒂明月桂華有波伯牙意在山水湘靈休鼓  
雲和

十六日丙寅雲頂山寺

昨暝靈燈淨土茲晨廣濟盤陀三百六十飛陞八萬四千窾  
波灌頂涼生甘露妙鬘雲結兜羅何處松濤清轉似聞魚山  
梵歌

春興

諸葛提兵大渡津河流禹鑿迥如新彩雲城郭那無迹黑水  
波濤亦有神象馬遠來銅柱貢犬羊不動鐵橋塵靈關在眼  
平於掌歲歲蒲桃首徂春

謁二忠祠

學士文章謁日月尙書劒履上星辰九原松柏香臺夜雙廟  
莓苔影坐春山鬼嘯歌琴薜荔海童奔走薦芳蘋經過此地  
同揮淚況是江潭放逐臣

見梅花

一辭青瑣滄江臥山城三見梅花破正愛家家臨水開還愁  
樹樹和烟墮清樽欲醉不成歡雪調空歌誰與和小院回廊  
日又斜高樓短笛風前過

弔孟拾遺

駱谷鸞輿再播移橫流滄海廣明時  
刑餘周召田中令地下逢干孟拾遺  
赤水探珠迷象罔青霄蝕月任墓頤  
懷沙沈石何曾問帳殿毬宮總不知

病中秋懷

薏苡城西百尺樓登茲銷暑亦銷憂  
江山平遠難爲畫雲物高寒易得秋  
吉甫清風來玉麈涪翁妙墨換銀鈎  
餘甘渡口斜陽外藹迺歌雜棹謳

百梅亭

綠萼紅跗映碧瀧山香水調換新腔  
翰林風月三千首樂府鴛鴦七十雙  
陳閣臨春森玉樹漢宮不夜爛金缸  
梨雲梨雪

都成夢桃葉桃根枉渡江

次雲樓上公韻五月十九日魚池雅會

環衢窈窕錦亭東珍樹留春綴糝紅  
鳥度屏風青嶂裏魚窺明鏡碧瀾中  
賓筵鄴下詩篇盛軍次漁陽鼓角雄  
獨有白頭虛授簡梁園應愧長卿工

冬夜宿羅漢寺

霜林金碧迷青紅木葉蕭蕭澄遠空  
長湖洲渚亂吞吐上方樓殿森玲瓏  
廊僧暝汲怯寒溜丹子夜語驚天風  
朝暾照檻堪一望羨爾冥冥高翥鴻

秦始皇陵

埽旦金星白晝懸似傷鵝首翦秦川  
俄傳江壁神徂日誰見

釣天夢帝年借問茅焦歷井餘何如徐福泛樓船烏錐三月  
咸陽火還是書坑竹帛煙

平山橋離夕贈任直夫

平山橋畔水沄沄隄楊風裊陌草薰綠蟻行觴九蘭醞青驪  
出餞五花文遙夢直挂嶺南月離歌不散江東雲誰言千里  
非絕國已覺黯然銷別魂

春晴

曉枕忽聞黃鳥歌起看芳草紛成窩梨花杏花風信早晴雲  
雨雲春態多青絲玉壺銀盤落紅韁寶鉸金盤陀駘蕩神皋  
足游衍其奈文園病渴何

雨阻太華之遊中宿華亭寺釋智充山樓

信宿零雨不肯歇咫尺太華那可登平湖粘天波杳渺長林  
籠霧寒淩兢山樓暝榻對漁火野甃晨炊分佛燈皋橋酒家  
幸相近徑欲取醉酣騰騰

春泛滇海至小孤浪山

海藻海花春競鮮東流東風新泛船雜英芳甸漢皋珮虛籟  
聲林湘國絃荻蒲叢叢綠堪把檉柳枝枝青可憐荇苒不共  
習池醉觸忤良爲羈思牽

十一月十三日雪

飛雪正應大雪節明年復是豐年期山城豺虎戶且閉水國  
龜鼉舟懶移竹葉金樽慣貰酒梅花玉樹工撩詩擁爐熾炭  
坐深夜笑看燈前兒女嬉



觀妙亭新梅始放花月夜獨酌

餞臘逐春梅有期繁苞不駛亦不遲分梢已出月右脇抽箭

忽橫參左旗倚牀三弄競筠琯夾門一條爭柳姿

陶潛詩海樹夾門值

一條有雙雙遏雲付清囀九九消寒須泛卮

蘇祠懷古

眉山學士百代豪夜郎謫仙兩爭高岷峨淩雲挾天藻江漢  
流湯驅硯濤虎豹虬龍自登踞鱗鱗狐狸休舞號井絡鍾靈  
竟誰繼海若望洋增我勞

有贈

添聲楊柳葉

唐裴誠有添聲楊柳詞

減字木蘭花不學東山傅哀箏惱

寶華

草堂寺

劫毀樂巴火碑失周顒字試問坐禪僧猶記梁朝寺

卽事

蘋末清風起涼生近水樓盈盈樓上女齊唱楚江秋

松隱菴

松菴饒古松露鬣交雲尾蘿徑少行人日暮嘯山鬼

楚江曲

巫山花已紅楚水波新綠兩兩浣紗人照影鬪粧束

王子淵祠

煒畦靈芝發秀翹子淵摘藻揆天朝漢皇不賞賢臣頌只教

宮人詠洞簫

竹枝詞

紅粧女伴碧江濱  
蓮草花簪茜草裙  
西舍東鄰同夜燭  
吹笙打鼓賽朝雲

無義灘頭風浪收  
黃雲開處見黃牛  
白波一道青峰裏  
聽盡猿聲是峽州

詠史

月仗雲門五彩毬  
御前爭賭最先籌  
須臾贏得西川印  
便脫青衣擁碧油

于役江鄉歸經板橋

千里長征不憚遙  
解鞍明日問歸樵  
眞如謝朓宣城路  
南浦新林過板橋

居易錄李侍讀漁村真行日記載板橋驛壁有題  
句云云甚有風調不知誰作按此升庵詩也真程記  
云楊林達板橋號三亭實六亭

無題

青雀銜花向海東  
非烟如黛掃晴空  
小喬嫁後風情減  
曾見新粧亞水紅

花汀曉夢

秦樓纖月隱花汀  
煙淡春山曉黛青  
一百八聲鐘吼罷  
夢回七十五長亭

明詩紀事

貴陽陳田輯

茂鑑

高叔嗣 三十四首

叔嗣字子業祥符人嘉靖癸未進士授工部主事改吏部歷員外郎中出爲山西參政遷湖廣按察使有蘇門集八卷

四庫總目叔嗣詩初受知於李夢陽然擺脫窠臼自抒

情性乃迥與夢陽異調

陳東后同集弘治文教大起學士輩出力振古風蓋削凡調嘉靖改元更爲初唐之體蘇門高子業束髮

就傳受知北郡李生弱冠登朝亳州薛考功一見歎服既雅見推重益自貴珍謝絕品流因心師古涉周

秦之委源酌二京之精祕會晉餘潤契唐本宗每有屬綴仁興而就甯復能閑不爲淺易之談故其篇什

往往直舉胸情剖抉浮華存之隱冥獨妙閑曠合於  
風騷有應物之冲淡兼曲江之沈雅體王孟之清適  
具岑高之悲壯詞質而腴興近而遠洋洋乎斯可謂  
之詩也

中麓閒居集何李雖成大家去唐卻遠蘇門雖云小  
就去唐卻近蔡白石王嚴潭以蘇門爲我朝第一其  
言雖過要之不可厚非也

藝苑厄言高子業詩如高山鼓琴沈思忽往木葉盡

脫石氣自青又如衛洗馬言愁憔悴宛篤令人心折

了業少負淵敏生支干與僞漢友諒彭湖之歲也其詩如積

邑邑不自得發病卒實友諒彭湖之歲也其詩如積

賤詎有基履榮誠無階既妨來者途誰明去矣懷茫

然大楚國白日失兼城久臥不知春茫然怨行役爲

客難謂意逢人未敢言失路還爲客他鄉獨送君眾

女競中閨獨退反成怒寒星出戶少秋露墜衣繁以

我不如意逢君同此心當軒留馬出戶倚雙童里

中夷門監牆外酒家胡爲農信可歡世自薄耕稼問

年有短髮逐世無長策林深得日滿地靜覺蟬多文

章知汝在功名何物是騎馬問春星殘雨夕陽移清

婉深至五言上乘吳國倫猷甄洞藻默吉仲默竝策上駟而馳中原高

子業雖踈駕第緩轡後至耳

國雅子業負奇氣博雅其詩磊磊喬松淩風迴秀響

振虛谷詩數高子業視李何後出而其五言古律之工不欲

作今人一字在唐不減張曲江韋蘇州梁園風雅子業負淵敏之才有抗潔之性為詩多胸

臆語吐言成章不假緣飾誦之若落落直致而中自

明詩選陳臥子曰子業沈婉雋永多獨至之言讀之

如食諫果味不驟得又曰詞存清曠意成悽楚

池北偶談明詩本有古澹一派如徐昌國高蘇門楊

夢山華鴻山輩自王李專言格調清音中絕同時王

奉常小美作藝圃摘餘有數條與其兄及濟南異者

子特拈出云今之作者但須真才實學本性求情且

莫理論格調又云詩有必不可廢者雖取體未備而獨

擅一家之長如孟浩然洮洮易盡祇以五言為永干

載竝稱王孟有明則徐昌國高子業二君詩不同而

皆巧於用短徐有蟬蛻軒舉之風高有秋閨愁婦之

態更千百年李何尙有廢興二君必無絕響此真高

識迴論令于麟大美早聞此語當不開後人揮彈矣

田按子業襟抱既超故吐屬蘊藉有魏晉人標致次

亦不失為孟襄陽輩蘇州自敘云李空同方盛邑子

之屬出其門撰為文辭模於古人私心不能無慨慕

時時竊撰一二篇夫本非所長而強力慕之度必取  
調於眾可以明其宗旨矣陳東之蘇門集序出一時  
名流捧手歎絕可謂立賞

### 少年行

死士結劍客生平藏博徒里中夷門監牆外酒家胡有時事  
府主無何擊匈奴虎頸一侯印狼臂兩雕弧誓使名王侍差  
聞邊吏誅長驅隨漢馬轉門出飛狐蒲壘遂破滅莎車不支  
吾甲第起北闕蠻邸開東都豈學霍嫖姚椒房仗子夫

### 明月引

滿地金波迴中天玉鏡飛有烏多夜語無雁不春飛影徹銀  
河水光翻織女機何當御尊酒常此奉澄暉

### 歲暮作



旦夕茲歲改蕭條旅思多雲物媚晴宇氣候屬妍和崢嶸新  
陽至故景實蹉跎感時豈不懷二紀倏焉過栖身慚擇木望  
道歎伐柯如斲吾自繫匪玉孰爲磨有髮日就長心短獨若  
何但云畢夙志陳力豈知他

謁海上人相

京邑驅匹馬日有塵沙顏清晨整巾幘時叩高僧關白日照  
仙閣晴雲滿空山相看偶一笑念此客身閒富貴不可求余  
將從此還

生日

年往歲空除時來循虛至明雨無留晷吹萬有逸氣我行淹  
一周茲辰適再值束髮歲更七算齒紀逾二少懷滄洲心壯

損青霞志淮禽終異化魏瓠始同棄五游存子歎三費亡吾  
忌達生庶不疚乘流隨所寄

登眞定大悲閣

關山千餘里平分南與北臨路兩悠悠客子情何極青山地  
北橫白日天南落欲緩故園思聊憑最高閣

送別永之

憐君方遷戍況我嬰愁疾一別若流雲相從竟何日平生重  
交遊弱冠弄篇帙書願藏名山功期銘石室安知事不就跌  
宕情如一已矣復誰陳今亦返蓬華

再去都別親知

少缺經世用遭遇明時康出入在省闕仰逐羣賢翔鸞如矯

馬足側畏道路長，顛蹶不終朝中歲。還故鄉，願言守舊廬，沒齒乃其常。皇恩究微物，明照收羣方。改服起漁樵，端笏陪鵷行。頑疏果難容，進退益多妨。猶參大藩居，守此國西疆。華階豈不崇，榮進非所望。退念孤蹇迹，臨路私自傷。無爲世俗遷，久要不可忘。

再同子延上方寺賦

已忝陽春遊，再陪瓊瑤作。首歲與君同，名區踐初約。芳風散入林，陰靄遞相薄。微雨點春城，流雲蕩仙閣。樓當望遠立，酒共馮高酌。樹裏梁王臺，水際夷門郭。伊余本孤蹤，事主乏明略。偶因負郭田，解印歸邱壑。閑居道心增，日戀空門樂。安得拙病軀，放達從此託。

答谷司僕見問

幸自返中園非關逃微祿方因疾病餘  
屢勉供樵牧春至東郭田夏來北林木  
時從遺原上日縱平郊目野老逢與言  
道書問能讀何爲共世人無事相追逐  
勞君問出處日暮掩茅屋

與客集和氏園

惟君遊每接自余居多暇留連上客筵  
款曲中園駕賦詩芳泉側舉爵茂陰下  
放心安知憂攜手不能罷日氣淡將夕  
雲影垂方夏爲農信可愜世自薄躬稼

九日登城樓宋故都門

佳節倚秋城朋曹晚相逐  
竊憐坎壈心暫寓登臨目日落故

鄉杯霜寒遊子服百里覽山河千年看陵谷生欣盛時康追  
歎亡王促帝功頽九五霸氣消百六猶能識宮觀但見登樵  
牧縱酒在高樓悲歌對喬木身同司馬病懷異步兵哭舉頭  
望長天萬里來鴻鵠

夏夜同袁德延騎出宿村家

景落息炎氛輕策稍相試微風送林木皓月臨平地路遠忘  
前期情慚隨所至田父止我宿茅屋勸客醉起步中天空仰  
對明星次一與雞黍筵三歎前賢意軒冕愁束縛江海傷憔悴  
明發返故墟努力看身事

劉西陂函山二先生見過

簡略缺世用守此郊扉居天寒草樹盡臥病情何如臺臣存

舊好宴飲及吾廬伊昔超天階俱銜君子惠提攜文苑游出  
入鵬行綴良時未可忘世故身相繫安知尊酒同歲暮荒城  
際無輕一日歡乖離幾更歲

秋夕

問年有短髮逐世無長策日已遠人徒秋方臥阡陌天高星  
流火夜久月生魄萬形觀此化四運愁相迫身非塞北翁情  
是周南客聊齊得喪心安此留滯迹

秋日贈別諸進士

別館敞秋晴離筵蕩客情致身付公等分手使人驚陽鳥迎  
霜動陰蟲候夕鳴贈言何以歎虛薄媿吾生

行至車騎關河南界盡處與親知別

山河未可盡行處與春長驛路沙俱白關門柳欲黃親知還  
自返離別各相望且緩征車發中心戀故鄉

途中憶樊少南便別行至安肅縣作

驅馬一相見悠悠難再逢客心春夜月官舍白溝鐘不免微  
名累其如多病慵空臨南北路愧此平生蹤

安肅縣寺病居漢陽董玄亮見過時董奉使還闕

門前易水路下馬漢陽人野寺天晴雪他鄉日暮春相逢一  
尊酒久別滿衣塵不憚王程急應憐伏枕身

謝病後初朝

舊識趨朝路重來謁帝廷出門聽曉漏立馬望春星拙病身  
仍在羈栖志少甯盛時誰不戀終日憶山垌

寓居慈仁寺游覽

終日仙宮掩青松繞殿遮到來長春草行坐落天花閣上王  
城盡門前官路斜微身隨處是何敢歎吾家

毘盧閣上同伍疇中諸公西望

客來常一上對此西山平向夕檐楹立憑空閣道行楊花飛  
暮野雨色動春城卻戀同攜手都忘羈旅情

飲任文選宅

敢謂齊年齒常嗟抱夙心文章知汝在交契爲誰深華屋春  
燈豔層城夜柝沈賴蒙終夕語客路一開襟

與鄒生游香山宿僧房

處愁春草歇驅馬春山中夜宿禪關下時將心賞同風生近



谷滿月照前湖空終愧淵明輩玄言對遠公

歲暮答許武部廷議懷歸

掩閤日愁晚他鄉歲已深未能逃世網豈是戀朝簪以我不  
如意憐君同此心故園春事及歸路儻相尋

呈劉西陂先生將按部洛陽道出小園

喧言洛陽去皐蓋首行春尙枉柴門步應憐伏枕身柳條簇  
官驛雪色沒征輪公問袁安事平生解避人

偶題

久爲南畝客況此北窗時翻笑陶元亮應多歸去辭涼風昨  
夜起殘雨夕陽移坐臥身無事茫然生遠思

曉起

惆悵空堂曉蕭條秋氣陰懸窗對疏雨落葉滿重林長往懷  
仙事端居養道心誰知歲復晚高志莫能尋

冬日西園

泱泱空寒野蕭條只舊林登高時送目望遠日愁心世與身  
爲累貧將病轉深無能學袁盎閭里共浮沈

星軺驛雨中別林八南還

驛外陰雲合窗中宿雨含深巖龍自鬪險路馬能諳短髮星  
星甚長愁日日堪休將南望淚歸傍二親談

駕出

帝出南郊日言觀黃屋尊還神役風伯徙樂具雲門馳道青  
陽麗齋宮紫氣屯九朝祠禮祕歸待侍臣論

仲春山行

春事殆過半客行殊未閑  
流雲開白日微雨點青山  
身世本遲鈍林泉當早還  
煙郊草色長感此奈愁顏

襄縣城東卽事

春晴汝岸曲夜雨襄祠東  
日出冥濛靄天垂斷續虹  
關梁臨水閉馳道與山通  
旦夕龍興度千城望幸中

晚出都門登寺閣

柳葉桃花雨夜乾今年寒食在長安  
淹留不爲依雙樹踰蹕合應笑一官  
行出都門常日暮到來客舍已春闌  
芳菲滿眼心無奈祇上毘盧閣上看

明詩紀事

貴陽陳田輯

戊籤

薛蕙 三十八首

蕙字君采亳州人正德甲戌進士授刑部主事改吏部歷員外郎中以議大禮下詔獄尋復職未幾罷歸有考功集十卷

四庫總目正嘉之際文體初新北地信陽聲華方盛蕙詩獨以清削婉約介乎其間古體上挹晉宋近體旁涉錢郎雖亦擬議多而變化少然當其自得覺筆墨之外別有微情非生吞漢魏活剝盛唐者比又蕙與湛若水俱為嚴嵩同年嵩權極盛之時若水年已垂老不免為嵩作鈐山堂集序反覆推頌頗為盛德之累蕙初亦愛嵩文采頗相酬答迨其柄國以後薄其為人凡舊時倡和悉削其稿人品之高迥出流輩其

詩格蔚然孤秀實有自來是其所樹立又不在區區

文字間也王氏家藏集阮公詠懷間亦有迫切者君采反優游

寬暇有漢人意可謂妙擬矣藝苑后言薛君采詩如宋人葉玉幾奪天巧又如倩

女臨池疏花獨笑國雅君采七歲能文弱年擅藝古體如江南曲從軍

行甚佳近體如詠燭云珠簾照不隔羅幌映疑空又

餘花飄近清風鳥喧深竹征鳥不返顧浮雲相背馳

渚花藏笑語沙鳥亂歌聲翠帷低舞燕錦薦踏驚鴻

並是警句辟之馬飾金羈連翩蹀躞穩步康莊了無

跼蹐之迹詩數弘正五言律自李何外如薛君采之瀟洒溫醇

高子業之精深華妙置之唐人毫無愧色梁園風雅西原咀英魏晉振秀齊梁意態密而辭新

格醇雅而調逸明詩選陳臥子曰君采詩如貴主初降雲旛驚格懸

珠編貝自然莊麗李舒章曰君采如出閣好婦意態妍莊未能跌宕

靜志居詩話薛公南巡靜吏大禮正人條達詞源淵源理學古詩自河梁以暨六朝近體自神龍以迄五季靡不句追字琢心慕手追卓然名家

明詩別裁西原詩力追雅音故不落凡近語  
田按君采詩長於擬古氣馥蘭茝音振瓊瑤其論詩  
云神韻爲勝才學次之又云清遠秀麗深服康樂可  
以識其意境矣戲成絕句云海內論詩伏兩雄一時  
倡和未爲公俊逸終憐何大復粗豪不解李空同薛  
之俊逸與何爲近宜其不許空同也

### 飛龍篇

晨登金壇神君所治芝草叢生玄泉泌泌乘彼飛龍以遨以  
戲憫我衰老乃告要秘周流神庭璧門十二授我神藥盛以  
玉笥教我服食長生久視優哉游哉壽等天地

### 江南弄

芙蓉嶼口茱萸潭朱脣一笑酒乍酣牽裾並袂歌江南歌江  
南望江北思不見情無極

### 游俠篇

君不見翩翩游俠子虎變龍淪世叵測轉海摧山力無比君  
不見闔廬堂上養死客吳王酒酣客進炙千金七首匿魚腸  
俄頃蛟龍飛霹靂又不見夷門老翁屠肆兒陸沈大梁人豈  
知竊符奪將付公子秦人北解邯鄲師古來豪傑皆若人意  
氣激昂肝膽真傾軀寫心不自惜排難解紛如有神丈夫自  
是英雄者左拉荆軻右古冶甯當刎頸以道旁誰能槁死蒿  
蘆下君不見虞卿齷齪絕可憐託身魏齊捐相權平生著書  
萬言在不如刺客三尺之龍泉我今落魄復如此放歌飲酒  
長安市結客曾通滄海君報讐欲借幽并士酒闌擊劍歌莫  
哀眼中豎子何有哉明朝事就拂衣去卻隨梅福觀蓬萊

長信怨

異時陪玉輦同載召蛾眉寵極有衰歇恩深多怨思秋風吹  
網戶春草被丹墀不及主家伎空歌團扇辭

莫愁曲

儂家住石頭綠水繞歌樓不是工娛客何緣字莫愁

效阮公詠懷二首

窮漠萬餘里海水周四隅中原勒千乘翱翔順風趨白羽翩  
翩飛一軍驚且呼揚節下高闕長纓繫單于右行臨月窟左  
旋出日區立功何足矜猛氣聊以舒

涼風起中林槁葉落如埽徘徊此何時歲暮一何早吾生隨  
物化安得不枯槁惆悵終日夕延頸望雲鳥榮名非所慕神  
明可長保手把三皇文五嶽訪芝草



擬郭弘農遊仙

瑤溪臨赤岸曾潭揚素波巨鰲冠蓬萊玉堂映巖阿中有羽  
衣客陵岡拾若華髣髴乘紫煙縹緲吸翠霞靈妃奏妙曲六  
虬駕雲車西謁王母盧東戲海童家下視九垓內蜚螭良可  
嗟

擬謝臨川遊山

徂節淹登臨開歲促遊玩陰崖雪猶積陽溪冰始泮進帆憩  
絕壁抗策陟窮岸撫化雖未盈卽事已可玩幽谷風華媚晴  
峰雲彩粲尋異迹轉緬覽勝景迭換洲分島參錯巖聚岫迴  
亂丹梯架懸梁石室構層館初經洞穴底乍出翠微半羽人  
謝世運靈景變昏旦汗漫無冥筮疏屬有塵絆放懷聊自慰

含情爲誰歎

冬初

開冬肇時序時序異疇異烈烈嚴氣升肅肅玄陰敞同雲而  
阡陌凝霜被榛莽寒暑鑒迭代休咎究消長郊園值窮節庭  
戶息羣響疾病倦淹留寤寐縱優仰感物殷懷抱離人絕心  
賞幽獨豈無悶至樂非外獎形變化隨逝意愜神俱往永解  
區中緣安排契眞想

候大駕回

西北收皇旅東南歸帝京山驅八駿下海汎六龍行後車環  
外區前駟集神垵支兵連四校中堅屯九營絲氣曳朱竿青  
雲生翠旌鏡歌綵吹激行漏玉鸞鳴入觀萬國至清宮羣后

迎金貂雜流景圭璧委繁星錄功對五帝合符朝百靈俯窺  
地紐正仰瞻天柱平郊禋方展義升封將告成祈招美王度  
長謠頌休明

答何大復

宵懽不繼晨朝游豈延夕款念未云周勞心彌已積篤好追  
昔悰興言撫今戚纏綿金玉音參差翰墨迹開帙虛雲閣臨  
觴闕瑤席惠思荷來章襃裳奉良覲

答祝禮部

屏居寡懽愛懷疴積悲戚勞君惠繁翰結言慰離析荒楚向  
疏蕪寒花方寂歷良辰已云暮清揚不可覲

舟行

朝辭枉渚，納夕鷺清川。路經過方，自今神期。宛如故沈吟，招  
隱曲徘徊。遠游賦西北，有浮雲行行一反顧。

首夏

寥寥塵外意，更對蕭然境。竹竦檀欒葉，雲起嵯峨影。迹幽疑  
避喧，神虛匪耽靜。嗒爾此端居，誰知晝方永。

西郊

清曠自有素，甯獨在幽深。誰謂西郊地，宛似南山岑。四野多  
景色，青春晴復陰。鮮雲冠綠苑，回飈翔翠林。寢疾託閒逸，卽  
趣恣登臨。嬰累悼自昔，取適懼在今。豈嗟時易頹，但願力難  
任。穿池玩遊鱗，種木候鳴禽。將營人外賞，聊賦邱中吟。

郊居作

池藻鮮珍鱗樊籠多鍛翮物情忌窘束人事傷紛迫拙薄繆  
榮塗疏慵謝朝籍銷聲背誼競息影投幽隙邱園雖寂寞悠  
然殊自適徘徊弄文史流連眷泉石神輕片雲上目瑩清川  
激蓬嶠宛相聞滄洲如在覲未申隱淪志稍習湛冥迹外慕  
非所希聊用終晨夕

雜詩

富貴使心惑嗜欲致行妨冥安損性靈美疾生膏盲吾觀古  
來士高躅互相望首路或暫同中道更蒼黃班生嗣前列馬  
融遁遐方藉梁在爲累附寶終自戕通人識尙爾咄咄可悲  
傷

柏屏

何時別陵上移居來後庭牽條擬峰勢總葉學山形白雲轉  
自綠絲雲相對青無勞台嶺側陵虛搏翠屏

邱中

蕭條風雨散淒清松桂冷邱中一游睇處處雲霞影稍愛夕  
陽佳復聽秋聲靜遙懷賞心侶歲暮空延頸

送劉子緯病歸

鄴下劉文學成都漢長卿淹留臥病意滿酒著書情賓客頻  
頻去風塵轉轉生天涯雙淚眼回首送君行

送董侍御應期

同時多逐客而我獨憐君棄置勿復道淒涼不可聞風波一  
流落江海遂離分他日書相及常因西北雲

道院秋日海棠

偶來仙館內花萼滿枝紅彷彿看珠樹玲瓏映藥宮預傷白露下坐惜綵雲空踟躕攀條處佳人不可同

九日遊興隆寺

厭就騷人會欣投釋子家林風鳴貝葉徑露溼金沙宴坐依雙樹清齋服九華晚來歸客倦欲借白牛車

秋日溪上

何處窺秋色擎舟入水隅清波照鳬雁寒露洗菰蒲促迫悲生事登臨快病軀山來野人意終日羨江湖

晚過鄰叟

野外歲陰早晚色正霏微石蘭向風靡海鶴犯霜飛投策暫

云想采苓方未歸幽人已相候隔水啟荆扉

元夜諸公會不赴

九陌帝城中煙花繞漢宮銀河流夜月火樹煖春風衾枕憂  
如昨軒車恨不同時聞玉珂響寂寞臥牆東

泛舟

水口移舟入煙中載酒行消花藏笑語沙鳥亂歌聲晚棹沿  
流急春衣逐吹輕江南采菱曲回首重含情

觀舞

妙伎出秦中纖腰學楚宮翠帷低舞燕錦薦踏驚鴻宛轉歌  
相似嬋娟態不同無因逃酒去懊惱白頭翁

寄題延陵吳長史山居



魏苑芙蓉沼梁臺修竹園徐陳遊上國枚馬託名藩歌賦從  
容地追隨優渥言病來謝賓客歸去臥邱樊巖穴仍招隱風  
塵稍避喧山疑七里瀨水似武陵源背渚排江閣迎峰架石  
門波瀾生枕席彩翠落琴尊鴻寶傳遺術離騷念舊恩秋風  
懷帝子春草怨王孫勝事幾人共賞心千載存相思隔雲外  
桂樹屢攀翻

對雨有懷

乍淡乍濃雲片片半疏半密雨絲絲林花落盡漸成子巢燕  
飛來頻哺兒坐對空尊應笑客行騎羸馬欲尋誰平生歡友  
俱南北此日傷心獨詠詩

遊盧巖歸月中紀興

雲林纔一曲林樾已三休遇可淹留處應須緩緩遊

城南梅開簡友人

郭外新梅樹春風吹雨殘未能攜酒出幸爲折花看

秋浦

秋浦多香草當年怨楚臣安知千載後尙有廣騷人

春日漫興

草芽半吐參差碧花藥初開淺淡紅安得黃金高北斗盡輸  
青帝買東風

宮詞三首

禁園處處鎖名花步障層層簇絳紗斟酌君恩似春色牡丹  
枝上獨繁華

閒倚闌干看柳條可憐渾似董嬌嬈東風何處吹桃李空費  
心情學舞腰

紅袖低回拂錦茵玉顏憔悴掩羅巾空房獨對嬋娟月賴是  
嫦娥不笑人

擬仙詩

碧光衫子紺霞裙月下輕風淡素雲一曲參差吹未徹海邊  
琪樹落紛紛

王廷陳

三十三首

廷陳字稚欽黃岡人正德丁丑進士改庶吉士授吏  
科給事中諫南巡杖謫裕州知州尋下獄免歸有夢

澤集二十三卷

四庫總目延陳少年高第以恃才傲物致放廢終身其  
器量殊為淺狹至其詩意警語圓軒然出俗則不得  
不稱為一時之秀

司勳集夢澤集樂府古詩潘陸齊軌下擬陰何五七

言律沈杜比肩參之盧駱

藝苑卮言王稚欽詩如良馬走坂美女舞竿五言尤

自長城稚欽少為文頃刻便就多奇氣為庶吉士詩

已有名其意不可一世僅推何景明而好薛蕙鄭善

夫以諫出知裕州臺省監司過州不出迎相戒莫敢

道裕州而恨稚欽益甚為文致逮下獄創秩歸家居

益自放達官貴人來購文好見者稚欽多逢首垢足

囚服應之間衣紅紵窄衫跨馬或騎牛嘯歌田野間

人多望而避者晚節詩律尤精好縱倡樂有聞箏一

首花月可憐春房權映玉人思繁纖指亂愁劇翠蛾

單授色歌頻變留賓態轉新曲終仍自敘家世本西

秦又一書答人云絢席屢改伎倆雜陳絲肉競奏宮

徵暗移羲和既逝蘭膏嗣輝逸興狎惛干霄薄雲禮

廢罰弛履遺纓絕俱妙極形容可謂才子

國雅稚欽調高趣新頗多奇句如深谷縣巒冷然幽

響其少年行云金羈及狡覓珠縉落高鴻弔道士云

海田猶有變洞壑豈無哀還蜀云峽束秋江怒雲盤

石棧懸殆與高岑方軌矣

明詩選陳臥子曰稚欽爽俊故意警而調圓

靜志居詩話稚欽逸藻波騰雕文霞蔚音高秋竹色

豔春蘭樂府古詩既多精詣五言近體亦是長城固

已邈後凌前足稱才子

田按稚欽格矜復古意取標新亮節清音綵情麗製

大約古體勝於近體五言勝於七言固由詣有專精

亦是才分各限薛君采高蘇門亦復爾爾

### 煌煌京洛行

辭我故里來遊帝鄉誰云周道險踰羊腸解一車馬如雲意氣

揚揚昔爲奴虜今狎侯王解二伯兄乘軒仲父鳴璫唱騶馳道

徵歌教坊解三千金買劍百寶爲裝風雷一擊星日回光解四朝

探俠窟暮宿名倡酣呼六博縱酒千場解五傾財結客隱罪匿

亡名齊郭解人比孟嘗解六

田按此康陵時事稚欽擬古詩略無陳色

白紵辭二首

高堂邃宇施翠帷  
蘭膏明燭散朱輝  
二八接武步舒遲  
被服姣麗光陸離  
彈箏鳴瑟商羽移  
喜溢歡恣不自持  
轉盼含嬉屬所私  
素觴勸君君自知  
主人既醉客不辭  
燭滅纓絕珠履遺

朝露未晞夜霜零  
眾芳凋歇鵲鳴逝  
者如斯不復停  
人生百年命忽傾  
爲君秉燭縱遊行  
三星在戶參差明  
騰觚飛爵何縱橫  
垂羅映縠耀珠纓  
眾中不言懷隱情  
色授神馳流目成  
士女雜坐交和歌  
河轉參橫奈夜何

雜謠

烏母謂烏子  
弋人在傍汝勿噉  
弋人得知將汝歸  
我但高飛

起安能救汝爲

名山藏武宗將南巡延陳與同館汪應軫江暉曹嘉舒芬馬汝驥等上書劾江彬罪學士石瑄聞而止之  
廷陳賦烏母謠書翰林壁間

少年行三首

幽并聞騎射閭里藉輝光  
朝遊從許史夜宴挾姬姜  
鳴鞭當大道調瑟坐中堂  
傍人爭借問云是羽林郎

長安本俠窟烈士多英風  
殺人帝輦側射獸上林中  
金羈及狡兔珠彈落高鴻  
歸就博徒飲酣歌意難窮

悲歌白日變裂眦秋雲高  
仇家諒不釋怨吏幸無遭  
全生脫虎口獲死等鴻毛  
豈效儒冠子終歲濡柔毫

子夜歌

共歎種梧桐十載青雪齊百年化雙鳳來此樹上棲

怨詩

隕葉蒼柯斷株懷蕤寒霰覲溫陰嚴希霽頽魄愠玄駛波憎  
逝令德鮮終良辰忽替

湖上行

麗服出芳郊香車臨綠水留連天桃下宛轉垂楊裏妝憐草  
色鮮坐逐花陰徙相攜拾翠行暫拉聽鶯止忽驚玉珮遺時  
將芳樹倚紛紛遊冶兒側目情無已

詠懷六首

人生本殊方神範各有宜參錯匪一致妄鑿乖天倪鳬脰續  
則瘁鶴脰截則悲拇駢決則憂指枝嚙則啼匙劣不假益羨



溢甯侯虧紛彼便嬖子作意相追隨智殫力云匱成理曷能移

民食美芻豢鴟鵂甘臭陳西子豈不都魚鳥不見親萬類殊所嗜物豈慕非倫箕畢各有好況此世上羣情欲孰爲正參差何可均黜智任自然悠悠葆天真

河清不可俟川逝誰能止朝露忌太陽夕日愁濛汜歌舞化塵埃都邑生荆杞大運厄陽九銷毀固恆理填海精衛勞逐日夸父死齊景悲牛山晏嬰笑未已彭殤孰短長無生悟方始

日月互天塗照耀各有時榮枯若循環智巧難控持賈生愁遇鵬莊周憚爲犧糾纏誰不嬰文繡焉能解放言用自慰虛

言誠我欺得失去來間北叟迺深知

愚公亦非昧智叟未爲得獻疑親反嗔贊詭竦爲德大人計  
億代俗士愁日昃通蔽鮮一致損益非易測

茲歲忽云暮驚言出城闔楊林翳白日岡岑蔽玄雲荒原離  
獸馳寒鳥鳴索羣上有百尺臺下有千古墳登高一騁望思  
我平生親延伫久不至俛仰懷酸辛萬物靡不化千載猶茲  
辰驅馬復來旋咏歌聊飲醇

### 歲暮雜興

孔公深贊蠖賈生虛忌鵬屈伸在一時憂喜本同城河清豈  
能俟途窮安足哭久息漢陰機莫問成都卜

### 詠秋泛

鮮曦登首秋緒風革開暑孤嶼濺驚湍輕橈驚蒼渚舉舟吟  
越人鼓柁歌漁父霜林隕葉揚沙岸輕鷗舞蒹葭寒隱汀菱  
荷衰映浦披拂枉負緣維繫乍延伫蘋片翠縷翻鱸鉶銀絲  
剖俯睇忤虬潛仰盼愧鴻舉泛梗傷在今乘桴豈獨古

贈人

南塘偶儻士薄宦向西陬石竹臨江映春雲抱峽流徘徊去  
國日浩蕩望鄉愁莫厭卑棲地三巴足壯遊

送李子中養病歸

游囑傷人事興衰感世情虛傳授簡叟無復抱關生客散梁  
王苑人耕宋帝城行多懷古跡一一寄同聲

贈方子

鄰並復同調過逢數舉杯謝公興不淺莊舄吟何哀霞日赤  
城曉雪濤滄海迴何當共舟去攜客訪蓬萊

出獄後歸興

孤憤辭梁獄高歌望楚鄉煙花春河鄂樓閣畫瀟湘弔古懷  
增慨尋仙事頗荒何如共漁父一笑詠滄浪

道中憩廢寺

寶地元虛寂金仙合杳冥空林沈紫翠畫壁落丹青羈旅暫  
投迹殘僧一啟扃迷方隨處是含意訊山靈

寄方思道

聞爾遊華頂令予夢彩烟戶庭羅峭壁枕簟落飛泉山有藏  
書穴溪多送酒船春江如有興花裏到吳天

湖泛

楚地饒洲清騷人戀菱荷鷁舟張錦席龍笛起滄波鳥影隨  
檣影漁歌入棹歌前溪聞更好欲進暮煙多

送王知事還蜀

佐郡已三載還家無一錢苦心成白首違命任皇天峽東滄  
江怒雲盤古棧懸歸來揚子宅寂寞守吾玄

丁酉之夏觀文溪子於大江之濱與之述往感時命酒  
坐石揮涕而別太息成詩

愴爾離羣久艱危更可傷一麾堪白首萬死出南荒天入瀟  
湘闊八爲鶴鶴揚垂堂古有戒去矣慎舟航

聞箏

楚館名娃出秦箏逸響傳徘徊芳樹側掩映雜花前雁促玫瑰柱鶯喧錦繡筵年來哀怨切復此感繁絃

崗步

卜築蒼巖畔爲園碧水涯浴童依淺瀨浣女散晴沙中散林惟竹東陵圃是瓜村頭歸欲暮巾服映殘霞

寄韓道人

吾愛飛霞子旅霞臥藥宮時將黃綺曲高詠紫芝風洞草秋生細壇龍晝護空丹應九轉就地與十洲通玉樹拔何及青牛望不窮因君惠羽翰自此脫樊籠獨鶴冥冥去相從碧海東

遊西山作

西山憶昔宣皇幸幸罷千巖御氣留金界尙看金殿峙玉泉  
長接玉溝流君王水石遊人重識旬煙花賦客收天上翠華  
無復度五陵松柏迴含愁

卽事

楚國村墟煙霧裏春朝門巷薜蘿間柳條到地可攬結燕子  
定巢頻往還新水潺湲遵故渚歸雲縹渺戀家山生涯甘傍  
漁樵侶世事虛傳鴈鷺班

病後客過有贈

病骨旬時虛酒筵壯心激烈嗟暮年秋堂過客擊枹後寒清  
哀鴻吹笛邊尊罍當戶映初月松桂傍人生夕煙與君一醉  
緩世慮深夜敢辭吾欲眠